

Jenau jesaat: Op Odyssee

Op dä Strooß sick vier Jahrzehnte,
ständig ungerwääß.
Halle, Bühne, Festivals,
zehndausend Hotels.
Manchmohl läuf`ne Film aff,
vun paar Junge enn`nem Bus,
ir`ndwo enn dä Pampa, spät nahx,
„jetz nur noch nohuss!“
Möödjespillt un övverdriecht,
je`nfalls joot dropp, wie mer sieht.

Weisste noch enn Neppes,
em Mariensaal?
Bürjerfeste, Kneipengigs,
höllisch schlääsch bezahlt.
Chlodwigeck un Stollwerck,
durch die Eifel bess noh Trier,
om Cover vun der Bravo,
dofür hammer uns jeniert.
Rockpalast, die Loreley,
Leechjohre un mieh vorbei.

Ir`ndwie dä Wahnsinn, et funktioniert,
och wenn uns Sprooch ei`ntlich kaum einer versteht.
Ir`ndwie dä Wahnsinn, mer dürfe op Tournee,
jenu jesaat: Op Odyssee.

Manchmohl steht mer ahn`ner Kreuzung
un weiß nit wo lang,
ohne Navi, ohne Kaat,
doch jläuv mir: Jottseidank..
Hätt noch immer joot jejange,
aff un zo nur knapp,
selvs wenn einer övver Bord jing,
hammer et jepack.
Manches feel unfassbar schwer,
doch och dat ess ewig her.

Ir`ndwie dä Wahnsinn, et funktioniert,
och wenn uns Sprooch ei`ntlich kaum einer versteht.
Ir`ndwie dä Wahnsinn, mer dürfe op Tournee,
jenau jesaat: Op Odyssee

Okay, mer künnt saare:
Maach jetz langsam ens halvlang.
Sibbzisch ess e`Alter für Golf

oder die Parkbank.
Mann, dat wöhr dä Horror,
denn wie Ronnie, Keith un Bob,
will ich leever rocken,
bess dä Herrjott säht: „Kumm ropp!“

Text Hochdeutsch:

Genau gesagt: Auf Odyssee

Auf der Straße seit vier Jahrzehnten,
ständig unterwegs.
Hallen, Bühnen, Festivals,
zehntausend Hotels.
Manchmal läuft ein Film ab,
von paar Jungs in`nem Bus,
irgendwo in der Pampa, spät nachts,
„jetzt nur noch nach Haus`!“
Müde gespielt und überdreht,
jedenfalls gut drauf, wie man sieht.

Weißt du noch in Nippes,
im Mariensaal?
Bürgerfeste, Kneipengigs,
höllisch schlecht bezahlt.
Chlodwigeck und Stollwerck,
durch die Eifel bis nach Trier,
auf dem Cover von der Bravo,
dafür haben wir uns geniert.
Rockpalast, die Loreley,
Lichtjahre und mehr vorbei.

Irgendwie der Wahnsinn, es funktioniert
auch wenn uns`re Sprache eigentlich kaum einer versteht.
Irgendwie der Wahnsinn, wir dürfen auf Tournee:
genau gesagt: Auf Odyssee.

Manchmal steht man an ner Kreuzung
und weiß nicht, wo lang,
ohne Navi, ohne Karte,
doch glaub mir: Gottseidank..
Ist`s noch immer gut gegangen,
ab und zu nur knapp,
selbst wenn einer über Bord ging,
haben wir`s gepackt.
Manches fiel unfassbar schwer,
doch auch das ist ewig her.

Irgendwie der Wahnsinn, es funktioniert,
auch wenn uns´re Sprache eigentlich kaum einer versteht.
Irgendwie der Wahnsinn, wir dürfen auf Tournee,
genau gesagt: Auf Odyssee.

Okay, man könnte sagen:
Mach jetzt langsam mal halblang.
Siebzig ist ein Alter für Golf
oder die Parkbank.
Mann, das wär´ der Horror,
denn wie Ronnie, Keith und Bob,
will ich lieber rocken,
bis der Hergott sagt: „Komm rauf!“